

С 42

ИЗВЕЩАНИЕ
О ПОСЛЕДСТВИИ
ПОСЛАННАГО КЪ НИМЪ
ОТЪ ПРАВИТЕЛЬСТВА
ИМПЕРАТОРСКОГО
УЧЕБНАГО КОМПЛЕКСА
ВЪ САНКТЪ-ПЕТЕРБУРГѢ
ВЪ 1862 ГОДУ

ANTITHETON NUPTIALE,
Ingenuo, & Nobili Eruditione perculto Juveni,
DN. DANIELI ESKEN,
Grammatophylacii Inclytæ Thorunensis Curiaë Notario,
SPONSO,

Pariter atque
Castæ, Modestæ, Piæque Virgini,
DN. ANNÆ,
DN. JOHANNIS GIESEN,
Mercatoris quondam Thorun. inter primos numerandi, derelictæ Filiaë,
SPONSÆ,

A
JOHANNES REZIK, Prof. Publ. & Visitat. Gymnasii Thorun.

Anno Christi Servatoris 1692. die 17. April.

Amica mente maiore oblatum.



Lebile tempus erat nuper, dum reddita
Mater
Illa tua est Cælo, flebile tempus erat.
Languebas nimio, *Genialis Sponse*, dolore,
Extenuit lentus pectora lassa situs.
Commovit erudas in te fortuna procellas,
Nec poteras pacem mentis habere tuæ.
Luctu te iusto quivis debere teneri
Credidit, & lacrymis ora rigare piis.
Quamvis stipasses valido sat robore pectus,
Quale refert Anyti fama fuisse reo:
Cederet attritum tantorum mole malorum,
Nec tantum hoc casu sustinisset onus.
Desine nunc pigrum lacrymis urgere sepulchrum,
Lethæus nec jam nubilet ora dolor.
Dammum sensisti, sed rursus damna refarcis,
Pro Matre exanimi corpora viva tenes.
Triste fuit mitemtumulo, scio, reddere Matrem,
Dulce sit in thalamo confociare jocos.
Triste fuit propriis natæ in fletibus, at nunc
Dulce sit in pluma membra fovere levi.
Triste fuit matrem constrictam compede mortis
Cernere, dulce esto vincula pacta pati.
Triste fuit gelidos Matris spectare lacertos,
Dulce sit in Sponsæ jam recubare sinu.
Hæc tibi donata est vernali corpore virgo,
Quam pietas munit, virgineusque pudor.

Sat latuit, latuitque piæ, est hæc forma pudicæ
Natæ, discinctas angulus omnis habet.
Currunt, concurrunt, accurrunt, atque recurrunt,
Aufugiunt, furiant, hicque venena coqvunt.
Hic certant lingvis, malè torquent quod benèdictum,
Opprimere & possent Stentora voce ferum.
Succubuit nunquam vitiis tua Sponsa nefandis
Talibus, ut verè dicere fama potest.
Et tua quæ fuerit virtus, *Doctissime Sponse*,
Dicere si vellem, multa loqvenda forent.
Complexa est virtus, fulvo preciosior auro,
Te, quæ nunc miti prosilit ingenio,
Svave fuit doctâ tibi decertare palæstrâ,
Palladis & cellas exuperare domos.
Es gratus *Patribus Patriæ* (qvæis optima tantum
Sunt cordi) oblata est publica sparta tibi.
Sed quò contendo? remorentur vota volucres
Pennas, est votis claudere carmen opus.
Jurgia, contemptus, violenta quæ damna facessant
A vobis, ne quis gaudeat inde malus.
Te tua Sponsa colat, casu soletur amaro,
Nec pudeat Dominum te vocitare suum.
Non alios quærat, vagos nec spectet amores,
Te redamet juvenem, sustineatque senem.
Ante oculos statuat iusto quoque tempore cunas,
In qvæis componat pignora Conjugii.

C82.

120 113072

Kpl 3 adl. 83

H
Nobi
DN
I
Co
loc ipso A

MINIST

mpressit Joh.